



UNIVERSITÄTS-
BIBLIOTHEK
PADERBORN

Universitätsbibliothek Paderborn

[Claudio Lalano Sodali Svo I. B. Santolius V.]

Santeul, Jean de

[S.I.], 1670

Claudio Lalano Sodali Svo I. B. Santolius V.

urn:nbn:de:hbz:466:1-13421

CLAUDIO LALANO
SODALIS V

I. B. *Santolius V.*

TU quoque, LALANI, versu celebrabere nostro,
LALANI, egregios inter memorande Sodales,
Quos mihi junxit amor: nos ambo fecit amicos
Non ætas, non sors eadem, jurata tot annos
Non ea quam sequimur, communis regula vitæ;
Hæc propter, viles animæ sibi fœdera jurent;
Nos ratio melior, nos ambo candida virtus,
Par studium in musas sancto nos fœdere junxit.
Illi charus eram, mihi charus & ille vicissim.
Illi in pectus poteram deponere curas
Securus, nudis animamque effundere verbis.
Sæpe mihi medicam, dum me sors ægra teneret,
Præbuit ille manum, me tempestatibus actum
Eripuit, faciles ostendens denique portus,
Et me multa docens monitis implebat amicis,
Quà possem subitos fortunæ avertere casus.
Me fortunatum, solidos si ducere soles

a

Sors mea cum tali me permisisset amico :
 Nam licet æquales nos fecerat una voluntas ,
 Idem animus , tamen hic paulo maturior annis
 Me longe exuperans morum gravitate præbat.
 Ille meos primus , facilis dum flectitur ætas
 Optasset monitis , & sub ratione magistra
 Frænare indociles juvenili in pectore motus
 Et cohibere animum multa in diversa ruentem.
 Si quando frænum excuterem , impatiensq; doceri
 Jussa recusarem , me liberiore vagari
 Ingenio , raperet quo me impetus , ire sinebat.
 Pacatis animis si forte quiesceret ira ,
 Tum faciles aditus , & mollia tempora captans
 Me me incusabat verbis haud asper amicis ,
 Addebatque minas , dulces fingebat & iras ,
 Laudabatque meæ interdum bona semina mentis ;
 Nec non , quæ stimulis virtutem accendere posset ,
 Ingenuos laudabat honesto in pectore sensus.

Illius ad speculum mores componere nostros
 Ardebam , at frustra me velle ac posse videbar ,
 Vix ego nam primos tentabam assurgere in ausus ,
 Et mihi propositas imitando reddere dotes ;
 Conantem nec quicquam , atq; ardua facta sequentem
 Me mea linquebat medio in conamine virtus .

Sæpe

Sæpe renarrabat, præclara exorsa juventæ,
 Ut docilis semper, semper patiensque laboris
 Haussisset varias quas pulcre noverat artes.
 Hujus crediderim Genios natalibus ultro
 Affulsiſſe bonos, olli comes addita semper
 Gratia, & in placido legitur sapientia vultu :
 Non semper rugis, non semper fronte severa,
 Hirſutoque supercilio, pannisque lateſcit.
 Explicat h̄ic frontem, & nitido pulcherrima cultu
 Deterſo ſquallorem, ſuos captabat amantes.

Divinâ pro re, pro Relligione tuendâ
 Sorbonici ſi forte patres in prælia ſurgant,
 Se parat ad pugnam LALANUS, & asper acutos
 Exacuit calamos, numerosa volumina pandit,
 Et ſua diſpergit ſimulato nomine ſcripta:
 Noctes, atque dies, indefeffusque laboris
 Explorat mentem veterum, & monumenta verenda
 Cæleſtes Tabulas, & magni effata Tonantis,
 Quis mos, quæ fuerit ſeclis ſententia priscis,
 Et ſeriem rerum, diversaque tempora signat.
 Hinc dubia illuſtrat dictis, hinc ſenſa profunda
 Eruit, & falſa lucis ſub imagine noctes
 Detegit obſcuras, ſimul & caligine pulsâ
 Noscere dat purum densa inter nubila Verum.

Quid referam egregias animi quas hauseris artes,
LALANI? Te , quandoquidem qui præsidet urbi
 Artificum numero è magno selegerit unum
 Prætor , & in partem curarum onerisque vocarit.

Jam dudum variis tumefactus Sequana riviſ,
 Exundans late civesque urbemque petebat ,
 Quin etiam irato rumpebat flumine poñtes.
 Quid faciat Prætor rerum in discrimine tanto?
 Quærebat rectorem opertum, insignemq; magistrum
 Quo stolidos justis fluctus compescat habenis.
 Hoc opus urgebant populorum publica vota.
LALANI jam jam perituræ providus urbi ,
 Se se attollentes minus æquo littore fluctus ,
 Tu teprimis , laxas aditus , aperisque canales ,
 Quo jam liberius moles evolvat aquarum ,
 Paulatim , factis frangatque canalibus iras.
 Ni facias , totam raperet cum civibus urbem.
 Ibit jam propriis contentus Sequana ripis ,
 Composito fluctu , & noto nunc redditus alveo
LALANUM celebrabit , & undique littora , & ipsi
LALANUM fontes , **LALANUM** flumina dicent ,
 Vos quoque Sequanides nudo sub littore nymphæ
LALANO , haud solitam tali pro munere ovantes
 Texite , quam meruit , glauca de fronde coronam.

SORBONA